

30. september 1981.

777

Nr. 491.

REGLUGERÐ

um breytingu á reglugerð nr. 348/1979 skv. lögum nr. 15/1979 um breytingu á lögum nr. 101/1966 um Framleiðsluráð landbúnaðarins, verðskráningu, verðmiðlun og sölu á landbúnaðarvörum o. fl.

1. gr.

3. gr. orðist svo:

Innheimta skal við tollafgreiðslu gjald af innfluttu kjarnfóðri.

Gjaldið skal vera 33.33% af innkaupsverði hinnar gjaldskyldu vöru. Innkaupsverð telst vera cif-verð vörunnar (tollverð) kominnar í innflutningshöfn.

Gjaldið skal lagt á fullunnar fóðurlöndur og hráefni í fóðurlöndur, sem falla undir eftirtalin tollskrárnúmer:

10-01-10	10-07-10	úr 11-02-29	23-03-00	23-04-60
10-01-20	10-07-20	blandað hænsnakorn	23-04-10	23-04-70
10-02-00	10-07-30	17-03-01	23-04-20	23-04-80
10-03-00	11-01-21	23-02-10	23-04-30	23-04-90
10-04-00	11-01-22	23-02-20	23-04-40	23-06-00
10-05-00	11-02-21	23-02-30	23-04-50	23-07-00

Undanskilin gjalddöku eru fóðursölt, snefilefni, herðir, bætiefni, steinefnablöndur og gæludýrafóður í smásöluumbúðum, 5 kg eða minna. Einnig er undanskilið gjalddöku fóður, sem fer til fiskeldis og loðdýraræktar, enda sé það í sérmerktum umbúðum. Sama gildir um korn og vörur úr því til manneldis, sem flokkast undir ofangreind tollskrárnúmer, enda sé varan í smásöluumbúðum, 5 kg eða minna og umbúðirnar beri með sér, að varan sé ætluð til manneldis. Gjald, sem tekið hefur verið af korni og vörum úr því, sem nota má jafnhliða til manneldis og skepnufóðurs, en fer til manneldis, endurgreiðist skv. reglum, sem Framleiðsluráð setur og landbúnaðarráðherra staðfestir.

Heimilt er að endurgreiða gjaldið að hluta eða öllu leyti eða fella það niður hjá bændum. Framleiðsluráð gerir tillögur til landbúnaðarráðherra hér um.

Niðurfelling eða endurgreiðsla má fara eftir svæðum en skal vera til komin vegna harðæris, uppskerubrests eða til að auka framleiðslu þeirrar búvöru sem skortur er á.

Framleiðsluráði er heimilt að gefa innflytjendum á kjarnfóðri gjaldfrest, óski þeir þess, gegn útgáfu skuldaviðurkenningar. Heimild til gjaldfrests skal framvísað við tollafgreiðslu vörunnar og afgreiðir innheimtumaður rikissjóðs vöruna eftir því. Framleiðsluráðið getur framlengt áður gefinn gjaldfrest á öllu gjaldinu eða hluta þess, þegar sérstaklega stendur á t. d. vegna nauðsynlegrar birgðasöfnunar á svæðum þar sem hafishætta er eða þar sem sérstök harðindi steðja að, sem valda því að rétt þykir að hafa sérstakar birgðir af kjarnfóðri.

Innflutningsaðili skal mánaðarlega sanna fyrir Framleiðsluráði landbúnaðarins að fyrir liggi birgðir af óseldu kjarnfóðri, sem skuldaviðurkenning hefur verið gefin fyrir og fallin er í gjalddaga, til að fá rétt til framhaldsgjaldfrests.

Verði vanskil á greiðslu skuldaviðurkenningar, skal Framleiðsluráði heimilt að svipta viðkomandi innflytjanda rétti til frekari greiðslufrests, þar til skil hafa verið gerð. Verði um ítrekuð vanskil að ræða, er Framleiðsluráði heimilt að svipta viðkomandi aðila rétti til greiðslufrests að fullu. Framleiðsluráð skal tilkynna viðkomandi innheimtumönnum ákvörðun sína um sviptingu á greiðslufresti.

Að því leyti, sem ekki er ákveðið í reglugerð þessari varðandi vörflokkun, innheimtu o. fl., skulu gilda eftir því sem við getur átt, ákvæði laga nr. 120/1976 um tollskrá o. fl. og laga nr. 59/1969 um tollheimtu og tollefirtlit með áorðnum breytingum, svo og ákvæði reglugerða og annarra fyrirmæla settra samkvæmt þeim.

Þeir aðilar, sem versla með kjarnfóður í smásölu, skulu mánaðarlega senda skýrslu til Framleiðsluráðs um kjarnfóðurkaup og -sölu hvers mánaðar.

2. gr.

Innheimtumenn ríkissjóðs skulu gera skil á innheimtu kjarnfóðursgjalds samkvæmt reglugerð þessari, eftir fyrirmælum þeim, sem fjármálaráðuneytið hefur sett um skil innflutningsgjalda sbr. 15. gr. reglugerðar nr. 530/1975.

Þeir, sem framleiða fóðurmjöl innanlands, skulu senda Framleiðsluráði ársfjórðungslega skrá yfir alla sölu á þeirri framleiðslu innanlands. Skal þar tilgreint hverjir hafa keypt vöruna, heildarsölumagn til hvers kaupanda og einingarverð.

Fulltrúafundur Stéttarsambands bænda skal árlega gera tillögur til landbúnaðarráðherra um gjalddóku af innfluttu kjarnfóðri.

3. gr.

Landbúnaðarráðuneytið sker úr, verði ágreiningur um gjaldskyldu og framkvæmd reglugerðarinnar.

4. gr.

Reglugerð þessi er sett samkvæmt heimild í lögum nr. 15 18. apríl 1979 um breytingu á lögum nr. 101/1966 um Framleiðsluráð landbúnaðarins, verðskráningu, verðmiðlun og sölu á landbúnaðarvörum o. fl., sbr. lög nr. 45 29. maí 1981 um breytingu á þeim lögum, til að öðlast gildi þegar í stað. Jafnframt er felld úr gildi reglugerð nr. 457, 29. ágúst 1980.

Landbúnaðarráðuneytið, 30. september 1981.

Pálmi Jónsson.

Guðmundur Sigþórsson.